

Na osnovu člana 4. Zakona o privatizaciji preduzeća ("Službene novine Federacije BiH", broj 27/97) i na prijedlog Agencije za privatizaciju u Federaciji Bosne i Hercegovine, Vlada Federacije Bosne i Hercegovine, donosi

UREDBU
O IZMJENAMA I DOPUNAMA UREDBE O METODOLOGIJI ZA PRIPREMU
PROGRAMA I IZRADU POČETNOG BILANSA PREDUZEĆA ZA
PRIVATIZACIJU

Član 1.

U Uredbi o metodologiji za pripremu programa i izradu početnog bilansa preduzeća za privatizaciju ("Službene novine Federacije BiH", broj 10/98) u članu 1. u drugom redu iza zgrade dodaje se zarez i riječi: "postupak izrade početnog bilansa", a u trećem redu iza riječi "programa" dodaju se riječi: "i početnog bilansa".

Član 2.

Iza člana 18. dodaje se novo poglavlje III a. i novi čl. 18a. do 18u., koji glase:
" IIIa. IZRADA POČETNOG BILANSA

Član 18a.

Preduzeće priprema početni bilans stanja u skladu sa odredbama Zakona o početnom bilansu stanja preduzeća i banaka ("Službene novine Federacije BiH", broj 12/98) i odredbama ove uredbe, osim općina koje privatiziraju poslovne prostore na osnovu člana 29. Zakona o privatizaciji preduzeća.

Član 18b.

Dokumentacionu osnovu za izradu početnog bilansa preduzeća čine knjigovodstveni dokumenti u skladu sa Zakonom o računovodstvu ("Službene novine Federacije BiH", br. 2/95 i 12/98).

Nadležna agencija za privatizaciju ima pravo uvida u knjigovodstvenu dokumentaciju iz stava 1. ovog člana.

U početnom bilansu iskazuju se rezultati revizije prethodno izvršene vlasničke transformacije, u skladu sa Uredbom o reviziji prethodno izvršene vlasničke transformacije ("Službene novine Federacije BiH", broj 1/98).

Član 18c.

Preduzeće je dužno za iznos nenominiranog kapitala uvećati, a za iznos neraspoređenog gubitka umanjiti ostale oblike kapitala, srazmjerno njihovom učešću u ukupnom kapitalu.

Član 18d.

Preduzeće je dužno vrijednost obaveza prema bankama po osnovu inostranih kredita dobijenih prije 31. 3. 1992. godine iskknjižiti iz bilansa i za taj iznos uvećati državni/društveni kapital.

Član 18e.

Preduzeće je dužno procijeniti vrijednost zemljišta iz člana 3. stav 4. Zakona o početnom bilansu stanja preduzeća i banaka, u skladu sa odredbama Računovodstvenog standarda

1-Stalna sredstva u obliku stvari ("Službene novine Federacije BiH", broj 2/95), i za iznos povećanja vrijednosti uvećati državni/društveni kapital.

Upis promjene prava vlasništva na nekretninama sa izgrađenim građevinskim zemljištem, u smislu stava 1. ovog člana, ne smatra se prometnom nepokretnosti.

Član 18f.

Općina je dužna procijeniti vrijednost poslovnih prostora iz člana 29. Zakona o privatizaciji preduzeća u skladu sa odredbama Računovodstvenog standarda 1- Stalna sredstva u obliku stvari, a što predstavlja polaznu osnovu za utvrđivanje početne cijene za privatizaciju.

Član 18g.

Preduzeće je dužno iz početnog bilansa isknjižiti vrijednost obaveza po kreditima domaćih banaka sa stepenom naplativosti manjim od 50% i za taj iznos uvećati državni/društveni kapital.

Radnje iz stava 1. ovog člana preduzeće provodi na osnovu pismene obavijesti banke.

Član 18h.

Preduzeće je dužno isknjižiti dionički kapital u bankama u Federaciji Bosne i Hercegovine (u daljem tekstu: Federacija) i za taj iznos umanjiti državni/društveni kapital.

Član 18i.

Preduzeće je dužno utvrditi saldo potraživanja od Federacije po osnovu isporuka gotovih proizvoda, repromaterijala i opreme i obaveza preduzeća prema Federaciji po osnovu neplaćenih carina, poreza, doprinosa i finansijskih pozajmica.

Dugovni saldo iz stava 1. ovog člana preduzeće će isknjižiti i za tad iznos umanjiti državni/društveni kapital.

Potražni saldo iz stava 1. ovog člana preduzeće će isknjižiti i za taj iznos uvećati državni/društveni kapital.

Član 18j.

Preduzeće je dužno utvrditi saldo potraživanja i obaveza nastalih do 31. 3. 1992. godine u odnosima sa pravnim i fizičkim licima sa područja drugih republika bivše SFRJ i Republike Srpske.

Dugovni saldo iz stava 1. ovog člana preduzeće će isknjižiti i za taj iznos umanjiti iznos kapitala, srazmjerno učešću pojedinih oblika kapitala u ukupnom kapitalu.

Potražni saldo iz stava 1. ovog člana preduzeće će isknjižiti i za taj iznos uvećati iznos kapitala, srazmjerno učešću pojedinih oblika kapitala u ukupnom kapitalu.

Član 18k.

Preduzeće je dužno iz poslovnih knjiga isknjižiti stvari koje nisu u posjedu, odnosno pod kontrolom preduzeća i za taj iznos umanjiti iznos kapitala, srazmjerno učešću pojedinih oblika kapitala u ukupnom kapitalu.

Ako kapital preduzeća nije dovoljan za isknjižavanje stvari iz stava 1. ovog člana, isknjižavanje se vrši na teret obaveza preduzeća, prema slijedećem redoslijedu:

- dugoročne obaveze prema preduzećima u isključivom državnom/društvenom vlasništvu;
- dugoročne obaveze prema bankama iz člana 3. stav 1. Zakona o privatizaciji banaka ("Službene novine Federacije BiH", broj 12/98), osim obaveza po osnovu kredita

dobijenih od međunarodnih institucija posredstvom domaćim bankama;
- ostale dugoročne obaveze.

Član 18l.

Preduzeće je dužno iz poslovnih knjiga isknjižiti iznos ratne štete na stalnim i obrtnim sredstvima i za taj iznos umanjiti iznos kapitala, srazmjerno učešću pojedinih oblika kapitala u ukupnom kapitalu.

Ako kapital preduzeća nije dovoljan za isknjižavanje stvari iz stava 1. ovog člana, isknjižavanje se vrši na teret obaveza preduzeća, prema slijedećem redoslijedu:

- dugoročne obaveze prema preduzećima u isključivom državnom/društvenom vlasništvu;
- dugoročne obaveze prema bankama iz člana 3. stav 1. Zakona o privatizaciji banaka osim obaveza po osnovu kredita dobijenih od međunarodnih institucija posredstvom domaćih banaka;
- ostale dugoročne obaveze.

Član 18m.

Preduzeće je dužno iz poslovnih knjiga isknjižiti knjigovodstvenu vrijednost stanova na kojima postoji stanarsko pravo, na teret državnog/društvenog kapitala.

Član 18n.

Ako je prema ranijim propisima preduzeće izvršilo isknjižavanje stavki iz pasivog i neutralnog podbilansa i evidentiralo ih u vanbilansnu evidenciju, isknjižavanje se vrši iz vanbilansne evidencije.

Član 18o.

Preduzeće je dužno nadležnoj agenciji za privatizaciju dostaviti korigovani Aktivni podbilans ako je vršilo prodaju stvari i prava sadržanih u Pasivnom podbilansu. Iznos dobijen od prodaje iz stava 1. ovog člana preduzeće knjiži obrnuto od isknjižavanja.

Član 18p.

Ukoliko se do prihvatanja početnog bilansa od strane nadležne agencije za privatizaciju, ne naplate iskazana potraživanja u Aktivnom podbilansu kojima je rok naplate istekao, iskazuju se kao sumnjiva ili sporna potraživanja u skladu sa Računovodstvenim standardom 5-Kratkoročna potraživanja i razgraničenja.

Po odobravanju programa privatizacije preduzeće isknjižava sumnjiva ili sporna potraživanja.

Član 18r.

Lica koja nisu izmirila obaveze iz člana 18p. ove uredbe ne mogu sudjelovati u kupovini imovine, udjela ili dionica preduzeća koja se privatiziraju na teritoriji Federacije sve do potpunog izmirenja svojih obaveza.

Član 18s.

Novčana sredstva, naplaćena po osnovu sumnjivih ili spornih potraživanja iz člana 18p. ove uredbe, do početka realizacije programa privatizacije pripadaju preduzeću.

Novčana sredstva, naplaćena po osnovu sumnjivih ili spornih potraživanja iz člana 18p. ove uredbe, poslije početka realizacije programa privatizacije pripadaju nadležnoj agenciji.

Član 18t.

Preduzeće je dužno nadležnoj agenciji za privatizaciju dostaviti korigovani Aktivni podbilans ako je vršilo prodaju u skladu sa članom 26. stav 1. tač. b) i c) Zakona o privatizaciji preduzeća.

Član 18u.

Izuzetno od odredaba tačke 1.8. Računovodstvenog standarda 1-Stalna sredstva u obliku stvari, prihodi manji od neotpisane vrijednosti stalnog sredstva prodatog u postupku privatizacije, u skladu sa članom 26. stav 1. tač. b) i c) i članom 28. Zakona o privatizaciji preduzeća, ne terete neposredne rashode.

Za razliku prihoda i knjigovodstvene vrijednosti stalnog sredstva iz stava 1. ovog člana umanjuje se državni/društveni kapital."

Član 3.

U nazivu poglavlja IV, iza riječi PROGRAMA dodaju se riječi: "I POČETNOG BILANSA".

Član 4.

Iza člana 21. dodaju se novi čl. 21a. i 21b., koji glase:

"Član 21a.

Ukoliko početni bilans preduzeća ne sadrži elemente utvrđene zakonom i ovom uredbom, nadležna agencija za privatizaciju pismeno će obavijestiti preduzeće o nedostacima i potrebnim ispravkama i dopunama, u roku od 15 dana od dana predaje početnog bilansa. Preduzeće je dužno u roku od 15 dana od dana prijema obavještenja iz stava 1. ovog člana dostaviti nadležnoj agenciji ispravke i dopune početnog bilansa.

Član 21b.

U slučaju kada nadležna agencija za privatizaciju utvrdi da početni bilans preduzeća nije izrađen na osnovu odgovarajućih knjigovodstvenih dokumenata u skladu sa zakonom i ovom uredbom, donijeće rješenje o odbijanju početnog bilansa u roku od 60 dana od dana predaje početnog bilansa.

Preduzeće je dužno u roku od 15 dana od dana prijema rješenja iz stava 1. ovog člana dostaviti nadležnoj agenciji novi početni bilans stanja."

Član 5.

Iza člana 24. dodaju se novi čl. 24a. i 24b., koji glase:

"Član 24a.

Preduzeće iz člana 3. stav 1. Zakona o početnom bilansu stanja preduzeća i banaka izrađuju konačni početni bilans u roku od 30 dana nakon provedenog postupka revizije u skladu sa Uredbom o načinu raspolaganja spornom imovinom kada dva ili više preduzeća u svojim početnim bilansima iskazuju ista prava, iste stvari, iste obaveze i isti kapital i o načinu i postupku revizije tih preduzeća.

Član 24b.

Ovlašćuje se Agencija za privatizaciju u Federaciji BiH da propiše oblik i sadržaj obrazaca za iskazivanje podataka iz početnog bilansa u roku od sedam dana od dana donošenja ove uredbe."

Član 6.

Ova uredba stupa na snagu danom objavljivanja u "Službenim novinama Federacije BiH".